

## Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 23.10.2021թ.  
կայացված ԱՖ770690 որոշումն անփոփոխ, իսկ վարչական բողոքն առանց բավարարման  
թողնելու մասին

<< 09 >> 11 2021թ. 7-13-

16815

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ  
Ն.Սարգսյանս, վերանայելով Գրիգոր Ղազարյանի ՄԴ/87139-21 դիմումի քննարկման  
արդյունքում ստեղծված նյութերը՝

### Պ Ա Ր Զ Ե Ց Ի

Երևան քաղաքի, Ավան 14 փողոցի, 52 տան բնակիչ Գրիգոր Ղազարյանը դիմումով խնդրել  
է բեկանել Ճանապարհային ոստիկանության վարչական իրավախախտման գործով կայացված  
ԱՖ770690 որոշումը՝ նշելով, որ համաձայն չէ որոշմամբ արձանագրված իրավախախտման  
հետ: Միաժամանակ հեռախոսակապի միջոցով հայտնել է, որ դիմումին ավելացնելու ոչինչ  
չունի:

Դիմումի քննարկման արդյունքում պարզվել է, որ վարչական իրավախախտման գործով  
կայացված ԱՖ770690 որոշումը ենթակա է կատարման հետևյալ պատճառաբանությամբ.

«Հ կառավարության <<Ճանապարհային երթևեկության կանոնները և տրանսպորտային  
միջոցների շահագործումն արգելող անսարքությունների ու պայմանների ցանկը սահմանելու  
մասին>> 28.06.2007թ. թիվ 955-Ն որոշման 77-րդ կետի, 1-ին ենթակետի համաձայն՝ վազանցն  
արգելվում է խաչմերուկներում:

Վարչական իրավախախտումների վերաբերյալ ՀՀ օրենսգրքի 124-րդ հոդվածի 8-րդ մասի  
համաձայն՝ տրանսպորտային միջոցների վարորդների կողմից վազանցի կանոնները  
խախտելը՝ առաջացնում է տուգանքի նշանակում՝ սահմանված նվազագույն աշխատավարձի  
հնգապատիկի չափով,

Ուսումնասիրությամբ պարզվել է, որ 23.10.2021թ. ժամը 12:25-ի սահմաններում  
Եղեգնաձոր քաղաքի, Երևանյան խճուղի-Միկոյան փողոց խաչմերուկի հատվածում քաղաքացի  
Գրիգոր Ղազարյանի վարած <<MERCEDES>> մակնիշի 36TQ370 հաշվառման համարանիշի  
ավտոմոբիլը կանգնեցվել է Ճանապարհային ոստիկանության ՃՊԾ 2-րդ սպայական  
գումարտակի 6-րդ սպայական վաշտի 1-ին սպայական դասակի ավագ տեսուչ,  
Մ.Մնացականյանի և նույն դասակի տեսուչ Մ.Մարտիրոսյանի կողմից՝ ՀՀ կառավարության  
<<Ճանապարհային երթևեկության կանոնները և տրանսպորտային միջոցների շահագործումն  
արգելող անսարքությունների ու պայմանների ցանկը սահմանելու մասին>> 28.06.2007թ. թիվ  
955-Ն որոշման 77-րդ կետի, 1-ին ենթակետը խախտելու՝ խաչմերուկում վազանց կատարելու  
համար և Վարչական իրավախախտումների վերաբերյալ ՀՀ օրենսգրքի 124-րդ հոդվածի 8-րդ  
մասի համաձայն կայացվել է վարչական իրավախախտման գործով ԱՖ770690 որոշումը:

«Հանապարհային երթևեկության անվտանգության ապահովման մասին>> օրենքի 17-րդ  
հոդվածի 1-ին մասի <<ա>> կետի համաձայն՝ Ճանապարհային երթևեկությունը կարգավորող  
ոստիկանության ծառայողը պարտավոր է սույն հոդվածի երրորդ մասով սահմանված կարգով  
ազդանշան տալով կանգնեցնել տրանսպորտային միջոցը, եթե՝ ակնհայտ կամ տեխնիկական  
միջոցների օգտագործմամբ երևում է, որ վարորդը խախտել է ճանապարհային երթևեկության  
կանոնների պահանջները, կամ տրանսպորտային միջոցի ընթացքը կամ տեղափոխվող բեռը,  
կամ վարորդը կամ ուղևորներն իրենց վարքագծով ակնհայտորեն վտանգ են ստեղծում

Երթևեկության անվտանգության համար: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Գրիգոր Ղազարյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ770690 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Այսպիսով, Գրիգոր Ղազարյանի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 8-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման գործով 23.10.2021թ. կայացված ԱՖ770690 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գրիգոր Ղազարյանին և Ճանապարհային ոստիկանության ՃԴԾ 2-րդ սպայական գումարտակ:

Կատարող՝ Գ.Մխտոյան  
Հեռ. 011-54-47-83



Ն.Սարգսյան